

Avatangiisit innarlitsaaliorneqarnissaannik Inatsisartut peqqussutaata allanngortinneqarneranik Inatsisartut peqqussutaat nr. 8, 15. november 2007-imeersoq (Igitanik maaniinnarmiititsinaveersaarneq, tassunga ilanngullugit avatangiisinut tunngassuteqartut eqqartuussisutigoortinneqartarneranni periaatsit nutaat kiisalu piginnaatitsissutit erseqqissaavigineqarnerat) Atuussimasoq (Historisk)

§ 1

Avatangiisit innarlitsaaliorneqarnissaannik Inatsisartut peqqussutaanni nr. 12-imi, 22. december 1988-imeersumi, Inatsisartut peqqussutaanni nr. 7-imi, 13. maj 1993-imi, Inatsisartut peqqussutaanni nr. 14-imi, 31. oktober 1996-imi aamma Inatsisartut peqqussutaanni nr. 1-imi, 21. maj 2004-mi allanguuteqartinneqartumi, imaattut allannguutigitinneqassapput:

1. § 1, imm. 1, imaattunik oqaasertalerneqassaaq:

"Inatsisartut peqqussutaata pinngortitap avatangiisillu illersorneqarnissaat ilapittuiffigissavaa, taamaalilluni inuiaqatigiit ineriartortinneqarnerat piujuartitsinermik tunngaveqartinneqarniassamat inuup inuuniarnikkut atugarisai ataqqillugit aammalu uumasoqarnermik naasoqarnermillu piujuaannartitsinissaq. Inatsisartut peqqussutaata anguniassavai:

- 1) Silaannaap, erngup, sikup, qaqqap nunallu mingutsinneqartarnerisa pinaveersaartinneqarnissaat mingutsitsinerullu akiorneqartarnissaa.
- 2) Nipiliortitsinerup pinaveersaartinneqartarnissaa akiorneqartarnissaalu.
- 3) Innuttaasut peqqissuunissaannik illersuineq.
- 4) Mingutsitsinaveersaarnissap pilersaaruserfigineqarnissaanut iliuseqarfigineqarnissaanut tunngavissiuinissaq.
- 5) Atortussiassanik kiisalu pissamaatinik allanik atuinerup maangaannartitsisarnerullu killilersimaarneqarnissaa.
- 6) Atueqqittarnissap siuarsaavigineqarnissaa eqqakkanillu igitsisarnermut atatillugu ajornartorsiutinik killilersimaarinninnissaq."

2. § 2, imm. 1, imaattunik oqaasertalerneqassaaq:

"Inatsisartut peqqussutaanni pineqarput:

- 1) Ingerlatat suulluunniit, stoffinik issoqqasunik, imerpalasunik silaannarmiittunik, imaluunniit uumassusillit uumassusilinnuunniit tunngassuteqartut, silaannarmik, imermik, sikumik, qaqqanik nunamillu mingutsitsilernermik kinguneqartitsisinnaasut.
- 2) Sajuppilutsitsinerit nipiliortitsinerillu.
- 3) Tunisassiat nioqqutissialluunniit, suliarineqarnerminnut, uninngatinneqarnerminnut, atorneqarnerminnut, assartorneqarnerminnut imaluunniit iginneqarnerminnut atatillugu mingutsitsinermik kinguneqartitsisinnaasut.
- 4) Assartuutit atortulluunniit nuuttakkat allat, mingutsitsinermik kinguneqartitsisinnaasut.

5) Uumasuuteqarneq, uumasupiluit pissutsillu taakkununga assingusut, peqqinnissamut ajornartorsiutaalersinnaasut imaluunniit avatangiiserisanut annertuumik akornusersuutaalersinnaasut."

3. § 4-mi imm. 4-tut ukua ilanngunneqassapput:

" Imm. 4. Suliffeqarfiup atortulersuutaasa inissitsiterneqarneranni ingerlatsinerullu pilersaarusiorneqarnerani, tassunga ilaallutik tunisassiornerup ingerlanneqarnissaata, tunisassiarineqartussat stoffillu iluaqusersuutit toqqarneqarneranni qularnaarneqassaaq, pissamaatinik atuineq, mingutsitsineq eqqagassanillu pilersoqartarnera sapinngisamik killilersimaarneqassasut."

4. § 4-p kingorna kapitali 1-imi ukua ilanngunneqassapput:

" § 4a. Pisortat oqartussaasui, sullissiveqarfii, suliffeqarfii kiisalu umiarsualiveqarfii pisortat ingerlataanni sanaartukkat ingerlatsinerlu eqqarsaatigalugit kiisalu pisiortortarnerminni atuisarnerminnilu Inatsisartut peqqussutaata siunertarisaata eqquutsinneqarnissaa peqataaffigissavaat."

5. § 7 imaattunik oqaasertalerneqassaaq:

" § 7. § 1-imi siunertarisassatut taaneqartut isumagineqarnissaat siunertaralugu Naalackersuisut maleruagassanik, tassunga ilanngullugit aningaasartuutunik matussusiisarnissamut aammalu aningaasartuutunik qularnaveeqqusiisarnissamut, makkununga tunngasuni aalajangersaasinnaapput:

1) Suliffeqarfinniit, sanaartukkaniit, maskiianiit, atortuniit, kiassaateqarfinniit angallassissutiniillu kiisalu taakkua pisatsersorneranni, ingerlanneqarneranni aserfallatsaalineqartarnerannilu mingutsitsinerit killilersimaarneqarnissaat.

2) Imermik tarajoqanngitsumik tarajulimmillu assigisaannillu imerneqartartussamik pissarsiniartarnek kiisalu erngit pissamaataasut isumannaarinniffigineqarnissaat.

3) Imikoorummik kuutsitsinermiit, ikuallaavinniit, eqqaavinniit assigisaanniillu, kiisalu sanaartukkat taamaattut pisatsersorneranni, ingerlanneqarneranni aserfallatsaalineqartarnerannilu mingutsitsinerit killilersimaarneqarnissaat.

4) Maanna siunissamilu sanaartukkat kuuffinnut attavilerneqartarnissaat.

5) Ikummatissanut, kiassarnermut imaluunniit angallassitutit maskiinallu ingerlanneqarnerannut atorneqartartunut, stoffit minguisissusaat akugisassaallu.

6) Sanaartukkat, maskiinat, atortut angallassissutillu suussusiinik akuersissuteqartarnek.

7) Suliarinninnerit ulorianaateqarsinnaasut kiisalu § 2, imm. 1-mi stoffit ulorianaatilittut taaneqartut uninngatinneqartarnerat angallanneqartarnerallu.

8) Imermik pissamaatit, imermik tarajulimmik pissamaatit, sikumik, qaqqanik, silaannarmik nunallu illersorneqarnissaat kiisalu nipiliortitsinaveersaarnissaq.

9) Stoffinik aalajangersimasunik, tunisassianik uumassusilinnilluunniit, uumassusilinnulluunniit tunngassuteqartut, stoffit taamaattut avatangiisinik akornusiisartutut nalilerneqassappata, eqqussuinissamut, annissuinissamut, tunisassiornissamut, tuniniaanissamut imaluunniit atuinissamut inerteqquteqarneq killilersuinerluunniit.

10) Sanaartukkanik, pisatsersuutunik imaluunniit atortunik, tassunga ilaallutik atortut uuttuutit, mingutserinermik atuinissamut naatsorsuussat, suussusiinik akuersissuteqartarnissaq.

11) Nunatat pissusaannik, naasuinik allanillu pitsanngorsaaneq pilersiteqqiinerlu.

12) Uumasuuteqarneq.

13) Uumasupiluit.

14) Immiaaqqanut imeruersaatinullu kulysyrelinnut puussiat, tassunga ilanngullugit puussiat aalajangersimasut atorneqarnissaannut inerteqqutit imaluunniit pisussaaffiit kiisalu utertitsisarnissamut aaqqissuussinermik pilersitsinissamut pisussaaffiit.

15) Sanaartukkat annertuut avatangiisinut sunniutaasa naliliiffigineqarnerat (VVM).

16) Avatangiisit pillugit paasissutissanik katersineq nalunaarutiginnittarnerlu.

17) Avatangiisinik artukkiinnginnissaq pillugu naatsorsuutininik suliarqarneq tamanullu saqqummiussisarnissaq.

Imm. 2. Inuit peqqissusaannut tunngassuteqartuni inuuniarnikkut atukkat pillugit § 1, imm. 1 aamma 2-mi immikkut aalajangersakkat pinerullugit Naalackersuisut maleruagassanik aalajangersaasinnaapput, tassunga ilanngullugit ukua pillugit aningaasartuutininik matussusiisarnissat:

1) Imermik, imerneqartartussatut pissarsiariniarneqartartumik inuussutissalerinermilu suliffinni erngup atorneqartartup pitsaassusissaa nakkutigineqartarneralu.

2) Imermut imerneqartartussatut pitsaassusilimmut atortussanik pilersuinerinermilu atortunik ilusilersuineq toqqaanerlu.

3) Perusersarfeqarnermut tunngasut.

4) Sissani naluffiusartuni, naluttarfinni uffariartarfinnilu erngup pitsaassusaa nakkutigineqartarneralu.

5) Ulluunerani unnuaanerani anartarfilerinermik aaqqissuussinerit.

6) Anartarfinniit allaniillu imikoorutit nunamut, sikumut, tatsinut, kuunnut immamullu kuutsinneqartarnerat.

7) Tupersimaartarfiit, kulturikkut, sunngiffikkut aamma timersornikkut aaqqissuussinerit, sumiiffiillu inuit amerlasuut katersuuffigisartagaat.

8) Sumiiffinnik imaani nunamilu miluumasut pilanneqartarfiinik pilaanissamut inerteqqutit pilaffigeqqusaanngitsulluunniit.

9) Toqusut inaat iliveqarfiillu.

10) Napparsimmaviit eqqagassaannik igitsisarneq.

11) Pissutsit inuit tamat eqqiluitsuunissaannut peqqissusaannullu pingaarutillit.

Imm. 3. Umiarsuit atorunnaartut, tassunga ilaallutik pisussaaffiit, umiarsuit passunnissaannut, ingitsernissaannut atoqqiinissamullu atuuttunik, Naalackersuisut maleruagassanik aalajangersaasinnaapput.

Imm. 4. Naalackersuisut makkua pillugit maleruagassanik aalajangersaasinnaapput:

1) Sanaartukkani aalajangersimasuni mingutserisartuni inuit aqutsisut taakkununga teknikikkut ilisimasaqarnissaat pisariaqarpallu uppersaateqartarnissaat.

2) Sulisorisat, sanaartukkani immikkut mingutserisartunik suliaqartartut, sanaartukkanik avatangiisinut tunngatillugu illersorneqarsinnaasumik ingerlatsinissamut uppersaateqartarnissaat, tassunga ilaallutik ilinniartitsissutissat imarisassaat uppersaateqartarnissaat piimasaqaatinik naammassinnissimanissaq.

3) Suliffeqarfiit annertuumik mingutserisartut qanoq iliorlutik sulisorisaminnik avatangiisit pillugit sulinerit akuutitsisarnissaat."

6. § 10 imaattunik oqaasertalerneqassaaq:

" **§ 10.** Nakkutilliususaatitaasut pissutsinik unioqqutitsisoqarneranik pasitsaassaqarunik, taamaattut unitsinneqarnissaat isumagissavaat. Tamatumunnga tunngatillugu inerteqqutit peqqussutilluunniit

pisariaqartut pinaveersaartitsinermilluunniit iliuuseqarnissat nalunaarutigissavaat.

Imm. 2. Ingerlatat peqqinnissamik tungassuteqartunut ajornartorsiortitsilernermik mingutsiterujussuarnermilluunniit kinguneqarsinnaasut, tassunga ilanngullugit eqqagassanik pilersitsisarneq, mingutsitsinerup annikillisinneqarnissaanut peqqusinerit, tassunga ilanngullugit aalajangersimasunik iliuuseqaqqusissutit ingerlanneqalernissaat Nakkutilliisussaataasut suliffeqarfinnut nalunaarutigisinnaavaat. Aalajangersaanermut ilaatinneqarput inuussutissarsiutigalugu suliffeqarfiit, tassunga ilaallutik umiarsualiviit namminersortut pisortalluunniit sanaartornermik suliaat kiisalu nukissiornermut sanaartukkat aalaakkaasut, suliffeqarfiit immikkut mingutserisartutut allattorsimaffianni § 16, imm. 2-mi taaneqartunut ilaatinneqanngitsut.

Imm. 3. Ingerlatanut, annertuumik mingutsitsinermik imaluunniit peqqissutsimik akornusiisinnaasutut ulorianaatilinnut Nakkutilliisussaataasut peqqussuteqarsinnaapput. Akornusersuutit iliuuseqarfigineqassanngikkaluarpata, suliffeqarfimmut imaluunniit ingerlatamut Nakkutilliisussaataasut inerteqquteqarnissamik nalunaarutiginnissinnaapput."

7. § 13-ip kingorna ilanngunneqassapput:

" § **13a.** Kinaluunniit, ingerlatseqatigiiffimmik, pigisamik suliffeqarfimmilluunniit piginnittuusooq ingerlataqartorluunniit Nakkutilliisussaataasumik qinnuteqarfigineqarnermi kingorna mingutsitsisinaanermik navianaateqarsinnaasup naliliivigineqarnissaanut pingaaruteqartunik, mingutsitsisimanernilluunniit kiisalu pinaveersaartitsiniarluni ikiorsiissuteqarniarluniluunniit iliutsit pillugit paasissutissanik tamanik tunniussaqaqtussaavoq.

Imm. 2. Kinaluunniit, ingerlatseqatigiiffimmik, pigisamik suliffeqarfimmilluunniit piginnittuusimasooq ingerlataqarsimasorluunniit, mingutsitsereersimanerup, mingutsitsinerulluunniit imaluunniit mingutsiterujussuarnissap pinaveersimatinneqarnissaanut naliliinissamut pingaaruteqartunik paasissutissanik tamanik Nakkutilliisussaataasumit qinnuigineqarnermi kingorna tunniussaqaqtussaavoq.

Imm. 3. Piginnittoq ingerlatsisorluunniit akisussaasooq Nakkutilliisussaataasumik peqquneqarsinnaavoq, imm. 1 naapertorlugu nammineq akiligassaminik makkuninnga suliaqaqqullugu:

1) Stoffinik avatangiisinut aniatinneqartartunik kiisalu nipiliortitsinermik sajuppilutsitsinermillu misiligutissanik pissarsinarneq, misissueqqissaarneq uuttortaanerlu.

2) Atortunik tunisassianillu, atorneqartunik suliarineqartunilluunniit, kiisalu stoffinik eqqagassaqaassapat, misiligutissanik tigusineq misissueqqissaarnerlu.

3) Mingutsitsinerup paasineqartup sunniutaasa peqqutaasut qulaarinniffigissallugit.

4) Mingutsitsinerup kingunerisassaata qanoq iliuuseqarfigineqarnissaa pinaveersaartinneqarnissaalluunniit qulaarinniffisissallugit."

8. § 15-imi imm. 2 ilanngunneqassapput:

" Imm. 2. Kommunalbestyrelsit nunap assiliornertik nakkutilliinermillu ingerlatsinertik pillugu, tassunga ilanngullugit uuttortaanermi misissuinermilu inernernik, kiisalu nalunaaruteqariaasissat pillugit maleruagassanik aalajangersaanermik, nalunaarutininik nassiussaqaqtarnissaat pillugit Naalakkersuisut maleruagassanik aalajangersaasinnaapput."

9. § 23 imaattunik oqaasertalerneqassaaq:

" § **23.** Paragraffit 16-20-mi pineqartut naapertorlugit pisut taakkununga tunngaviliisut, tassunga

ilanngullugit suliffeqarfiup inissisimarnga, mingutsitsinerup suussusia annertussusialu iliuitsillu suliffeqarfiup mingutsitsinaveersaarnissap pinngitsoortinneqarnissaanut iliuuseriniakkamisut ilisimatitsissutigisai Naalakkersuisut akuersissummi nalunaassavaat.

Imm. 2. Suliffeqarfiup tungaaniit akuersissut Naalakkersuisunut nalunaaruteqartussaataitanermik piumasaqaatitalerneqarsinnaavoq, soorluttaaq suliffeqarfiup ingerlaavartumik avatangiisinik misissuisarnissamik ingerlatsisarnissaanut akiliisarnissaanulluunniit piumasaqaatinik aalajangersaasoqarsinnaalluni.

Imm. 3. Suliffeqarfiup pilersinneqarneranut ingerlanneqarneranullu piumasaqaatinut tunngatillugu akuersissummi piumasaqaatit aalajangersakkat allanneqassapput. Sanaartukkani eqqakkanik uninngatitsivinni atorunnaarsitsineq suliareqqiinerlu pillugit piumasaqaatinik aalajangersaasoqassaaq.

Imm. 4. § 18 naapertorlugu piumasaqaatit nalunaarutigineqartut malinneqartussaapput.

Imm. 5. Akuersissut aalajangersimasumik piffissalerneqarsinnaavoq.

Imm. 6. Kinaluunniit sanaartukkani eqqakkanik uninngatitsivimmik ingerlataqartoq, uninngatitsinissaq siunertaralugu eqqakkanik pissarsisoqartarunnaaraangat, atorunnaarsitsisassaaq suliareqqiisassallunilu. Taamatut atorunnaarsitsilinnginnermi, paasissutissat tamatumunnga tunngasut Naalakkersuisunut nassiunneqassapput.

Imm. 7. Naalakkersuisut akuersisussaataitaasutut nakkutilliisussaataitaasutullu suliffeqarfinnut immikkut mingutserisartunut imaattunik ingerlataqartunut qularnaveeqquusiinissamik piumasaqaateqarsinnaapput:

- 1) Ingitserinermik ingerlatalinnut, tassunga ilanngullugit biilnik umiarsuarnillu ingitserisarnernik.
- 2) Atoqqiinissaq siunertaralugu assersuutigalugu atortuniit, maskiianiit, motoriniit atortuniillu peersisartut.
- 3) Maskiinat atorlugit saviminikunik aserorterisartut.
- 4) Eqqakkanik uninngatitsivinnik ingerlataqartut.

Imm. 8. § 11 naapertorlugu qularnaveeqquusiisutit akuersisussaataitaasut nakkutilliisussaataitaasullu iliuuseqartarnissaannut matussutaasassapput. Naalakkersuisut qularnaveeqquusiisutit annertussusissaat iluarsiivigisinnaavaat, naatsorsuisarnermi tunngaviusut annertussusaat allannguuteqarujussuassagalarpat.

Imm. 9. Sanaartornernik suliaqartoqalissagalarpat, naammagittaalliuuteqarnissamut killissarititap naannginnerani akuersissut atuutsinneqarsinnaassanngilaq, akuersissuteqartussaataitaasut tamanna pillugu akuersissummik nalunaaruteqarsimannippata.

Imm. 10. Qinnuteqaatit akuersissutillu ilusissaat imarisassaallu pillugit Naalakkersuisut maleruagassanik aalajangersaasinnaapput."

10. § 35-ip kingorna ilanngunneqassapput:

" **Kapitali 7a**

Eqqakkanik suujunnaarsitsisarneq

§ 35a. Kialuunniit eqqagassanik pilersitsisup, uninngatitsisup, assartuisup, passussaqartup igitsisartulluunniit akisussaaffigaa, silaannarmik, imermik, sikumik, qaqqamiit, nunamilluunniit mingutsitsinermik peqqinnissamut tunngassuteqartunik ajornartorsiulersitsinnginnissaq.

Imm. 2. Eqqakkat nassuiaaserneqarnissaat pillugit Naalakkersuisut maleruagassanik

aalajangersaassapput.

Imm. 3. Kialuunniit eqqagassanik pilersitsisup, katersuisartup, suliarinnittartup, ikuallaasartup allatulluunniit eqqagassanik, puukunik imaluunniit atortut sinnikuinik igitsisartup, Naalackersuisut piumasaqarnerisigut eqqakkat aqutsivineqarnerannut paasissutissat pingaarutillit suugaluartunilluunniit nalunaarutigisassavai.

§ 35b. Naalackersuisut makkua pillugit maleruagassanik aalajangersaassapput:

- 1) Eqqagassat pillugit ileqqoreqqusanut aalajangersakkat ilusilersorneqarnerat.
- 2) Katersuivissanut eqqaavigisassanullu aqqissuussinerit.
- 3) Eqqakkat igitsivissaannut periarfissanik innersuussinissamut kommunalbestyrelsip pisussaaffii.
- 4) Eqqakkat katersorneqartarnissaannut iginneqartarnissaanullu, tassunga ilanngullugu atortut nioqqutissiallu atoqqinneqartarnissaannut, kommunalbestyrelsip isumaginninnissaanut pisussaaffii.
- 5) Innuttaasut, illuutillit, suliffeqarfiit, sullissiviit umiarsualiviillu katersuivissatut aqqissuussinerit igitsivissatullu periarfissat innersuunneqartut imaluunniit asimi, illoqarfinni nunaqarfinnilu eqqaanissamut aqqissuussinerit atorneqartarnissaannut pisussaaffii.
- 6) Innuttaasut, illuutillit, suliffeqarfiit, sullissiviit umiarsualiviillu eqqakkat pillugit nalunaaruteqartarnissamut paasissutissiisarnissamullu kiisalu eqqakkat misissuiffigineqartarnissaannut, tassunga ilanngullugit Naalackersuisut kommunillu ileqqoreqqusaanni allassimasutut nalunaaruteqartarnissat ilusissaat pillugit pisussaaffiit.

Imm. 2. Eqqakkat iginneqartarnissaat pillugu Naalackersuisut maleruagassanik aalajangersaasinnaapput, tassunga ilanngullugit

- 1) Eqqakkat suussusersinerat, nalunaarutigineqarnerat, immikkoortiterneqarnerat, suussutsinut immikkoortiterneqarnerat, uninngatinneqarnerat, katersorneqarnerat, assartorneqarnerat, suliarineqarnerat passunneqarnerallu.
- 2) Eqqakkat immikkut ittut eqqakkallu aalajangersimasut.
- 3) Suliffeqarfiit eqqakkanik immikkut ittunik aalajangersimasunillu immikkoortiterisartut passussisartullu.
- 4) Aningaasartuutit qularnaveeqqusiinerillu aningaasartuutaannik matussusiinissaq suliffeqarfiillu namminneq matussusigassaannik avatangiisit pitsaassutsillu aqutseriaasissaannik pilersitsinissaannut pisussaaffiit.

Imm. 3. Eqqakkanik ajornartorsutigineqarnerisa annikillisinneqarnissaat imaluunniit atoqqiisarnissap siuarsarneqarnissaa siunertaralugu Naalackersuisut maleruagassanik imaattunik aalajangersaasinnaapput:

- 1) Suliareqqitassat, stoffit akuutissat iluaqutigineqartartullu immikkut ittut eqquteqqusaannginnissaat imaluunniit killilimmik eqqunneqarsinnaasarnissaat.
- 2) Suliareqqitassat, stoffit akuutissat iluaqutigineqartartullu immikkut ittut atortuni nioqqutissianiluunniit, Kalaallit Nunaanni sanaartorneqartunik atorneqartunilluunniit, ilaangunneqartannnginnissaat aalajangersimasumilluunniit annertussusilerlugit atorneqarsinnaasarnissaat.
- 3) Nioqqutissianik tunisassianilluunniit aalajangersimasunut siunertalinnik eqqussuinerit nioqqutissiornerilluunniit, tassunga ilanngullugit poortuutissiat, Naalackersuisunit akuersissutigineqassapput.

4) Nioqutissianik tunisassianilluunniit aalajangersimasunut siunertalinnik eqqussuinerit nioqutissiornerilluunniit, tassunga ilanngullugit poortuutissiat, aalajangersimalluinnartumik nalunaaqutserneqartassapput, kiisalu allatut nalunaaqutsineq killilersimaarneqassaaq inerteqqutaatinneqassalluniluunniit.

§ 35c. Kommunalbestyrelsip eqqakkanik igitsisarnissaq isumagisaraa aalajangiiffigissallugulu, stoffip suussutsilluunniit eqqagassatut naliliiffigineqartarnissaat. Biiliniq, umiatsiaanik, umiarsuarnik, qamuterallannik suussutsinillu angisuunik assigisaannillu igitsinissaq aatsaat pisinnaasassaaq, taakkua sivikinnerpaamik qaammatini pingasuni inuttassarsiuunneqareeraangata.

Imm. 2. Kommunalbestyrelse ileqqoreqqusami eqqakkanut aaqqissuussinerup annertussusia, aaqqissuussivigineqarnera allallu pillugit maleruagassanik aalajangersagaliussaaq. Ileqqoreqqusaaq Naalakkersuisunit akuersissutigineqassaaq.

Imm. 3. Eqqakkat uninngatinneqarnerisa, passunneqarnerisa iginneqartarnerisalu illersorneqarsinnaasumik pisarnissaat qularnaarniarlugit peqqussutinik inerteqqutinilluunniit kommunalbestyrelse nalunaaruteqarsinnaavoq.

Imm. 4. Kommunalbestyrelse eqqakkat pillugit pilersaarusiussaaq sumiissusersiissallunilu, kommunip eqqakkat pillugit pilersaarutaani eqikkarneqartussanik. Kommunip eqqakkat pillugit pilersaarutaa Naalakkersuisut eqqakkat pillugit iliuusissatut pilersaarut tamanut atuuttoq naapertorlugu aammalu § 36b, imm. 2, kiisalu Nunaminertat atorneqarnerat pilersaarusiorterlu pillugit Inatsisartut peqqussutaat naapertorlugit suliarineqassaaq.

§ 35d. Makkununga aningaasartuutitut matussutissatut akiliutissanik kommunalbestyrelse aalajangersaasinnaavoq:

1) Eqqakkat pillugit aaqqissuussinerit pilersaarusiorterneqarnerannut, pilersinneqarnerannut, ingerlanneqarnerannut aqunneqarnerannullu, tassunga ilanngullugit innuttaasunut innersuussissutinut ilitsersuutinullu.

2) Eqqakkanik allanillu immikkoortiterineq, katersuineq assartuinerlu.

3) Eqqakkanik atoqqitassanik, eqqakkanik ikuallagassanik eqqakkanillu igitassanik suliarinninnermut suliffeqarfiit sanaartukkallu pilersinneqarnerat ingerlanneqarnerallu.

4) Paasissutissanik katersuineq nalunaarsuinerlu.

Imm. 2. Imm. 1 naapertorlugu illuutillit, suliffeqarfiit, sullissiviit umiarsualiviulluunniit, nunaminertani atugassanngortinneqartuni imaluunniit nunaminertani atuisussanngortinneqartuni, eqqakkat pilerfianniittut pisussaafittut akiliutit isumagisassaraat.

§ 35e. Stoffit, nioqutissiat atortullu, silaannarmik, imermik, sikumik qaqqanillu aamma nunap qaaniittumik, mingutserisinnaasut imaaliorneqassanngillat:

1) Nunamut sikumulluunniit matoorunneqassanatik.

2) Nunamut sikumulluunniit kuutsinneqassanatik uninngasuutigineqassanatililu.

3) Nunap iluanut kiviorartinneqassanatik.

§ 35f. Kalaallit Nunaannut eqqakkanik eqqussuisoqarnissaa inerteqqutaavoq, tamatumani atoqqiinissaq siunertaralugu eqqakkat ulorianaateqanngitsut pineqassanngippata.

Imm. 2. Eqqakkanik eqqussuisarnissaq Naalakkersuisunit akuersissutigineqassaaq.

Imm. 3. Eqqakkanik nunanut allanut taamaallaat aallarussuisoqarsinnaavoq nunat akornanni

eqqakkanik ulorianaatilinnik assartuisarnissami taakkualu iginneqartarnissaanni nakkutilliisarnissaq pillugu nunanut Baselimi isumaqatigiisummut ilaatinneqartunut."

11. § 36a-p kingorna kapitali 8-imi ukua ilanngunneqassapput:

" **§ 36b.** Naalackersuisut tamanut atuuttussamik eqqakkat pillugit iliuusissatut pilersaarummik suliaqassapput. Pilersaarut ukiut sisamakkuutaarlugit suliarineqartassaaq, ukiuni aqqaneq-marlunni tulliuuttuni Kalaallit Nunaanni eqqagassalerineq pillugu imaqartartussamik.

Imm. 2. Kommunit eqqakkat pillugit iliuusissatut pilersaarutaasa imassaannik, suliaqarnermullu tunngatillugu kiisalu pilersaarutit iluarsivigineqartarnissaannut piffissanik killiliinernik periaatsinillu Naalackersuisut maleruagassanik aalajangersaasassapput. Eqqakkat pillugit pilersaarusiornermut piunasaqaatit suut tunngaviutinneqarnissaat pillugit Naalackersuisut maleruagassanik aalajangersaassapput. Eqqakkat sumiiffissiorneqarnerannut pilersaarusiorneqarnerannullu ilaasumik kommunit paasissutissanik Naalackersuisunut qanoq ittunik katersuinissaannut nassiussuinissaannullu Naalackersuisut maleruagassanik aalajangersaassapput."

12. Kapitali 8-mi § 36b-p kingornatigut una ilanngunneqassaaq:

" **§ 36c.** Avatangiisit pillugit ukiumoortumik nassuiaat Naalackersuisut 1. januar 2009-mit suliarisarlugulu saqqummersissavaat."

13. § 40 imaattunik oqaasertalerneqassaaq:

" **§ 40.** Naalackersuisut avatangiisitigut naammagittaalliuuteqartarfimmik ataatsimiititaliamik pilersitsissapput pingasunik ilaasortalimmik. Naalackersuisut Kalaallit Nunaanni Inatsisartunit inassuteqartoqareerneratigut siulittaasussamik toqqaassapput, kiisalu suli ilaasortanik marlunnik, taakkunanga aappaa Kalaallit Nunaanni Kommuneqarfiit Kattuffiannit inassutigineqarsimasussaaq. Ilaasortanut tamanut aammattaaq sinniisussanik toqqaasoqartassaaq.

Imm. 2. Avatangiisitigut naammagittaalliuuteqartarfittut ataatsimiititaliami ilaasortat Naalackersuisunut ilaasortaajutigissanngillat.

Imm. 3. Avatangiisitigut naammagittaalliuuteqartarfittut ataatsimiititaliap qinigaaffia Inatsisartunut qinigaaffik assingaa. Ataatsimiititaliaq ingerlatsissaaq, nutaamik Inatsisartutut toqqakkat katersuussimalernissaasa tungaanut ataatsimiititaliamullu siulittaasussamik toqqaasimalernissaasa tungaanut.

Imm. 4. Avatangiisitigut naammagittaalliuuteqartarfittut ataatsimiititaliamut ataatsimeeqataasartut immikkut ilisimasallit ilaatinneqarsinnaapput.

Imm. 5. Avatangiisitigut naammagittaalliuuteqartarfittut ataatsimiititaliap suleriaasissani nammineq aalajangersartarpaa maleruagassat matuma kinguliiniittut eqqarsaatigalugit:"

14. § 41 imaattunik oqaasertalerneqassaaq:

" **§ 41.** Inatsisartut peqqussutaat manna naapertorlugu imaluunniit tamatumunnga inatsisartut toqqammaveqarluni malittarisassiarineqarsimasut pillugit aalajangiinerit tamarnik Naammagittaalliuuteqartarfittut ataatsimiititaliamut suliassanngortinneqarsinnaapput.

Imm. 2. Naammagittaalliuuteqarsinnaatitaasut tassaapput:

1) Akuersissuteqarfigineqartut.

2) Peqqinnissakkut Nakkutilliisoqarfik.

3) Kimilluunniit suliap qanoq naammassineqarnissaanut immikkut annertuumillu soqutigisaqartut.

4) Peqatigiiffinit soqutigisaqaqatigiinnilluunniit, ileqqoreqqusatik naapertorlugit sukisaarsarfiusartut pingaarutillit isumagineqartarnissaannik siunertaqartut."

15. § 44 imaattunik oqaasertalerneqassaaq:

" § 44. Naammagittaalliuut peqqussuteqarnissamut inerteqquteqarnissamulluunniit tunngatillugu kinguartinneqarallassaaq avatangiisitigut naammagittaalliuuteqartarfittut ataatsimiititaliap aalajangiinissaata tungaanut imaluunniit avatangiisitigut naammagittaalliuuteqartarfittut ataatsimiititaliap allatut aalajangiinissaata tungaanut.

Imm. 2. Oqartussaasulli, pissutsinik immikkut ittunik pisoqartillugu, peqqussutinik inerteqqutinilluunniit aalajangiisup, peqqussuteqarnerminut inerteqquteqarnerminulluunniit peqatigitillugu, qanorluunniit naammagittaalliuuteqartoqarsimagaluarpat tamatuma malinneqarnissaa aalajangiiffigisinnaavaa. Aalajangiinerluunniit tamanna naammagittaalliuutigineqarpat, peqqussut inerteqquteqarnerluunniit malinneqartussaavoq avatangiisitigut naammagittaalliuuteqartarfittut ataatsimiititaliap allatut aalajangiissaatat tungaanut.

§ 44a. Akuersissummut, akuersinermut imaluunniit immikkut akuersissummut naammagittaalliuutit kinguartitsiffiunngillat, tamatumani Naalakkersuisut allatut aalajangiinnigippata. Akuersinerit akuersissutillu ilaasa naammagittaalliuuteqarnissap qaangiutinnginnerani atuutsinneqannginnissaat, naammagittaalliuutillu kinguartinneqarnissaat, pillugit Naalakkersuisut maleruagassanik aalajangersaasinnaapput.

Imm. 2. Imm. 1-imi aalajangersagaq naammagittaalliuuteqarfittut ataatsimiititaliap akuersissummik, akuersissuteqarnermik imaluunniit immikkut akuersissummik allannguuteqartitsinissaannut atuukkunnaarsitsinissaannullu periarfissaanik killiliinngilaq."

16. § 46 imaattunik oqaasertalerneqassaaq:

" § 46. Akiliisitaasussanngortitsilluni pineqaatissiisoqarsinnaavoq:

- 1) § 12, § 13a, imm. 1, aamma § 35a, imm. 3 naapertorlugit noqqaassutigineqartunik sumiginnaasoqartillugu.
- 2) § 13 naapertorlugu nalunaaruteqartoqanngippat.
- 3) § 16 aamma § 19, tak. § 23, imm. 9 naapertorlugit akuersissutitaqanngitsumik suliffeqarfimmik sanaartulerneq, aallartitsineq ingerlatseqatigiiffimmilluunniit ingerlatsilerneq.
- 4) § 17, § 20 aamma § 35f, imm. 2 naapertorlugit akuersissuteqarfigineqarnissamik piniarsimanginneq.
- 5) § 10, § 13a, § 23, imm. 2-4, §§ 24-26, § 32, § 35c, imm. 3, aamma § 38 naapertorlugit peqqussutinik, inerteqqutinik piumasqaatinilluunniit unioqputitsisoqartillugu.
- 6) § 30, imm. 2, § 34, imm. 1, § 35e, 35f, imm. 1-imi unioqputitsinerit, imaluunniit § 35, imm. 2 naapertorlugu immikkut akuersissuteqarfigineqarnissamut piumasqaatit eqquutitinnigikkaanni.
- 7) § 45 unioqputikkaanni.

Imm. 2. Maleruagassat, § 7, § 7a, § 7b, § 30a, § 35, imm.1, § 35b, § 35c, imm. 2, aamma § 36b, imm. 2-mi nalunaarutigineqartut naapertorlugit aalajangersaasoqarsinnaavoq, maleruagassanik unioqputitsinernik akiliisussanngortitsisoqarsinnaaneramik."

17. § 47-mi imm. 2-tut ilanngunneqassaaq:

" Imm. 2. Maleruagassani, inatsisartut peqqussutaat manna naapertorlugu saqqummiunneqartuni, unioqputitsinernik suliffeqarfinnit tamakkiisumik ilaannakortumilluunniit naalagaaffimmit,

Namminersornerullutik Oqartussanit, kommunimit imaluunniit kommunit piginneqatigiiffiinit kommunalbestyrelsip nunaqarfinnilu aqutsisut allallu pillugit inatsisartut inatsisaannut ilaatinneqartunik, aktiaatileqatigiinnit, anpartselskabinit, andelsselskabinit assigisaannilluunniit unioqqutitsinerit pillugit akiliisussanngortitsilluni pineqaatissiinissamut maleruagassanik aalajangersaasoqarsinnaavoq."

§ 2

Inatsisartut peqqussutaat 1. januar 2008-imi atuutilissaaq.

Namminersornerullutik Oqartussat, ulloq 15. november 2007

Hans Enoksen

/

Arkalo Abelsen